

sanjvwznz

Lauxsae, Ngoenzciet Vaiqvued

老师，节日快乐

□ Ganh Sozvwnz/甘说文

Haemq gyaе couh nyouq raen heiq valanz homfwtfwt, raq dem raq.

Baihnaj bakdou suzse hagseng, song go faexvalanz hunghanghang sangngaungau, lumj song faj liengi-hung cengj hai nei caemrwgrwg gang dwk. Gwnz gofaex, valanz lumj ndaundeiq nei haurbrob deiha-yaenyaen, miz dujdub miz dujhai. Miz haujlai va gaenq hai nanz, valimq gaenq hai ndaej enj gvaq laeng bae. Seiz mbouj seiz couh miz limqva loeng roengzdaeuj, mbouj sing mbouj yiengj, lumj duzmbaj lumj biengzbeih, yaemzyaemz mbin roengzdaeuj, douh gwnz namh bae. Gwnz namh gaenq bu caengz valimq vasim ndeu, caij hwnj bae unqnepnep.

Rumzhwnz ci daeuj, vuenrubrub, hawj vunz simsangj.

Bouxlawz gangj doenghgo mbouj rox simsaeh vunz? Haemhneix, govalanz couh gig roxsoq, mbouj ak mbouj manz, mbouj cauz mbouj nauh, caemrwgrwg, lumj gyoengq hagseng iq dingqvah nei caj gou daeuj cunzyawj.

Aen haggeiz neix, hagdangz cek gyoeb guhdoi, gwnz mbanj sam aen gyaуozdenj seiq nienzgaep doxhwnj cungj gyoeb daeuj gizneix guhdoi hwnjdangz lo, hagdangz hix hainduj louz hagseng youq ndaw hagdangz youq lo.

Lwgnyez ngamq lizhai ranz daeuj hagdangz youq, cungj youq mbouj gvenq, cungj siengj ndaw ranz. Caiq gyahwnj nienzgeij lij oi, gag gwnninz dajleix hix caengz rox geijlai. Ndigah, daj haihag daeuj, dou lauxsae cawzbae aeu hwnjdangz, lij lumj bohme h gyoengqde nei, son gyoengqde bu mbonq dajsaeg, coi gwn coi ninz ……

Song ngoenz neix, ban gou saisai mbwkmwbk gak boux hagseng gaenq ngamq hag rox dajsaeg caeuq laengh buhvaq, gwnninz guh ndaej hix ndei di.



Hoeng, gou sim lij caengz dingh, haemhbonz youh miz cingzgvang fatseng lo.

Haemhbonz gou daeuj suzse cunzyawj, mingzmingz raen mbouj miz gijmaz vwndiz lo, couh heuh gyoengqde ndaep daeng ninz. Mbouj-liuh, mbouj geijlai nanz, gou lij youq rog suzse caengz lizhai ne, daengx aen suzse lwgmbwk cungj daejhwhw hwnjdaeuj. Caen geizheih ha, hwk ndaej gou doeksaetyat. Gou sikhaek ganj gvaq bae, baez cam, dah ndeu naeuz de siengj baema nem daxmeh, dah ndeu gangj siengj baema caeuq daxbuz……dahdah cungj gangj siengj ndaw ranz lo. Yienzlaiz dwg aenvih dah ndeu daej, lingh dah gaen daej, yinx ndaej daihgya cungj daej hwnjdaeuj. Hai, caen dwg lwgnyez ha! Vahsug gangj: “Ngaiz nem leq, lwg nem meh.” Di ndeu mbouj loek, lwgnyez liz mbouj hai bohme h. Gyoengq lwgnyez neix caen siengj ranz lo! Hagseng daiq iq lo, gou sim inriri. Gou cijndei sing unq nai gyoengqde, gujli gyoengqde aeu daj iq

hag rox gag youq gag guenjleix swheij, aeu giengiengz maenh’ ak. Caj gyoengqde simdingh ninz ndaek le, gou cij baema.

Ngoenzneix banringz roengz-dangz le, gou cingq caeuq gyoengq hagseng ganggoj. Miz song dah lai hung di naeuz: “Lauxsae, mwngz banhaemh aeu daeuj ndaw suzse dou bw, ndaw suzse lij miz vunz daej.” Cam dwg bouxlawz vih gijmaz caengdot daej, gyoengqde youh mbouj gangj, cij naeuz: “Fanjingq ndaw suzse lij miz vunz daej, daengz haemh mwngz daeuj ndaw suzse couh rox lo.” Lau gou mbouj saenq, lij gangj: “Daengz haemh haengjdingh miz vunz daej.” “Mwngz itdingh aeu daeuj bw.”

Hwhw, haemh lawz gou youh mbouj bae suzse cunzyawj gyoengqde ne? Haemh mbouj bae cunzyawj song sam baez, gou ninz ndaej ndaek ma? Mbouj rox gyoengq dah fangz neix aeu gauj gijmaz!

Caen caem ha, caem ndaej mbouj miz saek sing gangj saek sing riu, engq mbouj miz saek sing cauz yiengj;

caen cingx ha, cingx ndaej limq valanz doek youq gwnz namh hix dingq ndaej nyi sing yiengj.

Ngoenznaengz, banhaemh caengz ninz, gyoengqde cungj cici caca cauz lumj rongzroeglaej nei. Haemhneix vihmaz yienghneix caem? Aen bakdou suzse hai byaengqmyang, daeng ronghmyan ciuq okdaeuj.

“Gyoengqde mbouj miz gijmaz saeh ba?” Gou gaenjgip ganj gvaqbae.

Daengz rog bakdou, dingqny dah ndeu singdaemq gangj: “Lauxsae daeuj lo.” Gou sim engq gip lo, gyavaiq yamqdin.

Baez yamq haeuj suzse, sawq-mwh, miz gijmaz doxgaiq baenz raq baenz raq daj gwnzsang rim gyaеuj rim naj vanq roengzdaeuj, geij boux dahsau angq hemq: “Ngoenzciet vaiqvued!” “Lauxsae, ngoenzciet vaiqvued!” Lij riu gekgek hwnjdaeuj.

Aen suzse nauhnyied lo, youh lumj rongzroeglaej nei lo.

Gou maezmwd lo, yawj gij ceij mwnh haj nganz roek saek lumj naeva nei vanq roengzdaeuj, mbinyaeng-yaeng, ndongq mbyanmyan, yaep-mebmeb, gamjdaengz lumj bungz dahsien vanq va, lumj denhsij vanqsoengq laex.

Gou aen’ uk maezmaez mwnh-mwnh, aensim hwnjhwnj roengzroengz, aendang yaek fouz yaek mbin.

Gyoengq lwgnyez angq dwk cici caca, liz gou geijlai gyawj ha, yawj ndaej geijlai cingcu ha. Gyoengqde lij ndenq dujva hawj gou, lij miz mingzsinben gyaemqgyigy rangfwtfwt.

O, aensim deng hwk ndaej diuq caengz gvaq, vihmaz youh sikhaek hai lumj va, diemz lumj gwn dangz ne?

Gou doq han gyoengqde, doq cieп dawz gij mingzsinben. Gwnz mingzsinben sij gijmaz, gou gaenbonj yawj mbouj gib. Gou cij nyouq raen raq heiq homfwtfwt ndeu, lumj heiq valanz nei.

O, daengx benq hoengheiq cungj homfwtfwt, dwg heiqhom valanz.

O, gou cadi lumz lo, ngoenzneix dwg cietlauxsae!

Hwhw, raeuz lauxsae lumz ngoenzciet swheij le miz gijmaz youqgaenj ne? Miz hagseng geiq ndaej couh gig ndei ha!

Gyoengq lauxsae, ngoenzciet vaiqvued!

Gvangh Yenz naeuz: “Mbangi huqdoj bonjdieg conzdungj haenx hainduj okyienh lo, hoeng mbouj gaeuq lai.”

Vangz Gwzginz naeuz: “Gij huqdoj conzdungj yungh haeuxgwn daeuj guh caizliuh cujyau haenx, yaek ndaej dauqfuk lij yaek aeu byaij duenh seizgan ndeu.”

Veiz Gozcingh naeuz: “Swnghecanj ndaej fazcanj caeuq gwndaenj vunzlai ndaej gaijndei le, raeuz lij aeu haeujsim hawj gij huqdoj conzdungj bonjdieg ndaej guh dauq hwnjdaeuj.”

Gyoengqde lij bae ngonz le Laeuzhung Bakhuq. Gizneix dwg aen dieg cungqgyang cawx huq Namzningz, doxgaiq ngoenzyungh, binjeungj caezcienz, vunz siengj cawx doxgaiq ngoenzyungh nei, cungj daeuj gizneix yawjyawj gonq.

Aen Laeuzhung Bakhuq youq laj ndwencieng, vunz lai vunz ndaet, bouxgaihuq nyaengqnyatnyat mbouj ndaej dingzfwngz, yienh ndaej gig hwngvuengh.

Gij vunzgaemhong laeuzhung gyoeblnh hawj Veiz Gozcingh naeuz, seizneix gwnz gyaquhuq daihgaiq baij miz fanh cungj huq, dingzlai dwg daj diegrog aeu daeuj, ndawde daj

Sanghaij aeu daeuj ceiq lai, gij huq Guengjsae gag ok haenx caemh ciemhciemh demlai, mbouj noix gvandouz, dangzswz, doxgaiq gang, bingzbaujraeuj, haizgyauh, siujvujginh caeuq buhveihswngh daengj doxgaiq faiq daemj, cungj dwg swcigih gag ok.

Veiz Gozcingh naeuz: “Raeuz aeu gyavaiq fazcanj gij ginghgunghyez

Guengjsae, ceng youq 10 bi baedauq guh baenz gag baengh bonjfaenh gihbwnj gung caez doxgaiq ngoenz-yungh.”

Yenz Gvanghcaij naeuz: “Guh ndei bae cungj dwg miz hojnaengz, geij bi neix daj Sanghaij senj daeuj buet cangj neix, cix dem le haujlai huq moq hawj Guengjsae.”

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

Aen Laeuzhung Bakhuq youq laj ndwencieng, vunz lai vunz ndaet, bouxgaihuq nyaengqnyatnyat mbouj ndaej dingzfwngz, yienh ndaej gig hwngvuengh.

Gij vunzgaemhong laeuzhung gyoeblnh hawj Veiz Gozcingh naeuz, seizneix gwnz gyaquhuq daihgaiq baij miz fanh cungj huq, dingzlai dwg daj diegrog aeu daeuj, ndawde daj

Sanghaij aeu daeuj ceiq lai, gij huq Guengjsae gag ok haenx caemh ciemhciemh demlai, mbouj noix gvandouz, dangzswz, doxgaiq gang, bingzbaujraeuj, haizgyauh, siujvujginh caeuq buhveihswngh daengj doxgaiq faiq daemj, cungj dwg swcigih gag ok.

Veiz Gozcingh naeuz: “Raeuz aeu gyavaiq fazcanj gij ginghgunghyez

Guengjsae, ceng youq 10 bi baedauq guh baenz gag baengh bonjfaenh gihbwnj gung caez doxgaiq ngoenz-yungh.”

Yenz Gvanghcaij naeuz: “Guh ndei bae cungj dwg miz hojnaengz, geij bi neix daj Sanghaij senj daeuj buet cangj neix, cix dem le haujlai huq moq hawj Guengjsae.”

(caengz sat)